



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 227

DATUM: 23.09.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

NERDA predstavila model saradnje
MSP i Općina u upravljanju katastrofama

Počela izgradnja turističkog grada
Buroj Onoze

Mostar sve bliže postavljanju pro-
čišćivača otpadnih voda

Je li Cazin u Bosni?

U Ključu počinje izgradnja bazena
sa tematskim prostorom

Na Bulevaru branilaca Dobrinje
postavljena klupa maestra Esada
Arnautalića

Zaključci sa Konferencije predsjed-
avajućih i sekretara općin-
skih/gradskih vijeća

Najava održavanja dana općina i
gradova za mjesec oktobar/ listo-
pad

Bilten Saveza općina i gradova Federacije Bosne i Hercegovine

NERDA PREDSTAVILA MODEL SARADNJE MSP I OPĆINA U UPRAVLJANJU KATASTROFAMA

Udruženje za razvoj NERDA, je 21. septembra/ rujna javnosti predstavilo model saradnje malih i srednjih poduzeća i općina u oblasti upravljanja rizicima u slučajevima katastrofa (DRR/DRM). Proteklih godina Švicarska Vlada je finansirala veliki broj projekata u Bosni i Hercegovini. Projekt MarketMakers, podržan od strane Vlade Švicarske, je u toku 2015./2016. godine realizovao aktivnosti koje su se odnosile na upravljanje i smanjenje rizika od poplava u područjima sa značajnim poslovnim aktivnostima i većom koncentracijom poslovnih subjekata u četiri općine, Grad Tuzla, Gračanica, Domaljevac-Šamac i Orašje. Aktivnostima projekta uz angažman NERDA-e, obuhvaćeni su infrastrukturni radovi zaštite/prevenције od poplava kao i aktivnosti jačanja svijesti o upravljanju rizicima u slučajevima katastrofa. "Dugujemo zahvalnost Švicarskoj Vladi i regionalnoj agenciji za razvoj NERDA. Švicarska Vlada je pomogla da se spasi od prirodne nesreće, od poplava, Inkubator Lipnica, da se tako spasi 300 postojećih radnih mjesta, a ujedno i stvore uslovi za nova radna mjesta. To nije prvi puta Švicarskoj Vladi, jer Švicarski crveni križ već tri godine podržava činjenicu da je Tuzla jedini grad u BiH koji brine o starim i iznemoglim osobama, daje im kućnu negu i ostalo, gdje sad mi tu ponudu širimo. Neki dan su nam bili u posjeti predstavnici Švicarske Vlade, koja nas je podržala u projektu dugoročnog snabdijevanja vodom do 2035. godine. Tu su Švicarska, Njemačka i Austrija, radi se o ogromnim parama, 26 miliona maraka, od čega je 50% poklon to jeste grant. I moram da se zahvalim Švicarskoj Vladi i moram da se zahvalim našoj regionalnoj agenciji za razvoj NERDA, koja je bila aktivna i za onih 38 inženjerskih radnih mjesta sa 01.07. u BIT Centru 4, sa prenošenjem dobrih iskustava Tuzle okolnim općinama, i koja vidite opet pomaže zajedno sa Švicarskom Vladom da sačuvamo radna mjesta od poplave, tamo gdje su ugrožena, a nama je najvažniji taj Inkubator Lipnica koji je najveći inkubator malih i srednjih preduzeća u Bosni i Hercegovini", izjavio je gradonačelnik Tuzle Jasmin Imamović. Grad Tuzla je prepoznao značaj aktivnosti za lokalne firme odnosno stvaranje sigurnog poslovnog okruženja za poslovanje firmi. U krugu RPC Inkubator Lipnica je urađeno regulisanje korita rijeke Joševica u dužini od 900 metara (korito je očišćeno, regulisano i betonirano), a firme smještene u RPC-u, kao i okolna kućanstva, su dugoročno zaštićeni od rizika poplave. Grad Tuzla je prepoznao i iskoristio priliku da se „nadoveže“ na ove aktivnosti tako da je korito Joševica očišćeno i nizvodno od RPC-a do Bukinja (to je bilo dodatno investiranje Grada). Ukupna vrijednost investicije iznosi 340.000,00 KM, od čega je Grad Tuzla sufinansirao 90.000,00 KM a ostatak Švicarska Vlada. Svih 29 firmi u RPC-u Lipnica, koje zapošljavaju 286 osoba su zaštićene od poplava, a u toku je realizacija novih investicija u firmama.



POČELA IZGRADNJA TURISTIČKOG GRADA BUROJ ONOZE

Izgradnja prvog Integrisanog turističkog grada "Buroj Ozone" na Prečkom polju počela je 19. septembra/ rujna svečanim polaganjem kamena temeljca koji su otkrili predsjednik Buroj International Group Ismail Ahmed, predsjednik Vlade FBiH Fadil Novalić, predsjedavajuća Skupštine Kantona Sarajevo Ana Babić i načelnik Općine Trnovo Ibri Berilon.

Gledajte Savez općina i gradova
Federacije Bosne i Hercegovine na



Među brojnim uglednim gostima bio je i bivši hrvatski predsjednik Stjepan Mesić. Ukupna vrijednost investicije je 4,5 milijarde KM, a realizirat će je Buroj International Group. Turistički grad "Buroj Ozone" bit će izgrađen na površini od 137 hektara na lokalitetu Sportsko-rekreacionog centra Bjelašnica - Donja Grkarica - Prečko polje - Kolijevka. Bit će sagrađeno više od 1.000 luksuznih vila s bazenima, hotelski kompleks s kongresnim centrom koji će brojati više od 75 hotela, trgovinski centar na milion kvadratnih metara, žičara do Bjelašnice

duga 6.500 metara najsavremeniji sportski i medicinski centri. Radi se o dosad najvećoj pojedinačnoj stranoj investiciji u BiH, a predsjednik Vanjskotrgovinske komore BiH Bruno Bojić je izrazio nadu da će domaće kompanije uspješno realizovati ovaj značajan projekat. Mesić je, pak, ocijenio da je Ismail Ahmed dobro procijenio investiciju u BiH, odnosno napravio dobar odabir. Predsjednik Buroj Ozona Ismail Ahmed naglasio je da ovim cijelom svijetu pokazano da je BiH sigurno mjesto za investicije. Ulažemo milijarde u projekt, a nikad ne bismo došli ovdje da ovo nije sigurna investicija - poručio je. Istaknuto je da će na izgradnji raditi domaće kompanije, a kraj radova je planiran za period između 2020. i 2025. godine. Načelnik Berilo je naveo da će cijene biti prilagođene svima, a građani i turisti iz cijelog svijeta moći će uživati u sadržajima koje će biti namijenjeni samo njima.



Grb Općine Trnovo

MOSTAR SVE BLIŽE POSTAVLJANJU PROČIŠĆIVAČA OTPADNIH VODA

Gradonačelnik Mostara Ljubo Bešlić i voditelj Izaslanstva Europske unije u BiH Lars Gunnar Wigemark obišli su 22. septembra/ rujna gradilište u blizini mosta Franje Blaževića u Mostaru na kojem će biti postavljen uređaj za pročišćavanje otpadnih voda. Zajedno s njima, gradilište su obišli i predstavnici Svjetske banke, PIT tima za provedbu projekta na izgradnji pročišćavača otpadnih voda u Mostaru, Federalnog ministarstva poljoprivrede,



vodoprivrede i šumarstva, izvođača radova grčke kompanije Actor, agencije SIDA te predstavnici JP za vodno područje sliva Jadranskog mora, priopćeno je iz Gradske uprave Mostara. Vrijednost izgradnje glavnog kanalizacijskog kolektora i pročišćavača iznosi više od 23 milijuna maraka, a novac je osiguran kroz GEF projekt Svjetske banke, te uz potporu Švedske razvojna agencija SIDA i Europske komisije. Izvođači radova su tijekom današnjeg obilaska gradilišta obećali kako će uložiti dodatne napore da bi se projekt završio do konca listopada ove godine. Uz izgradnju uređaja za pročišćavanje otpadnih voda usporedo se prave kanalizacijski kolektori, koji će u konačnici predstavljati jednu cjelinu. Glavni je cilj izgradnje sustava obalnih kolektora na području Mostara prikupljanje kanalizacije te njezino odvođenje do uređaja za pročišćavanje otpadnih voda. Ovaj projekt kako se navodi, ocijenjen je kao najvažniji projekt u povijesti Mostara u ovoj oblasti i on bi trebao riješiti problem otpadnih voda u gradu.



Grb Grada Mostara

Je li Cazin u Bosni?

Piše: Fahrudin Vojić

Do prije desetak godina Cazin je bio marginalizirana sredina koja je u ostatku države bila prepoznatljiva uglavnom po incidentnim situacijama i problemima. Danas, Cazin je privredni i trgovački centar Unsko-sanskog kantona sa 2.000 registriranih malih i srednjih preduzeća, a ima i najveći broj registriranih poljoprivrednih gazdinstava u Federaciji BiH, oko 3.000 njih. Također je općina s najvećim brojem proizvođača mlijeka, a godišnja proizvodnja mlijeka se kreće oko šest miliona litara.

„Naš cilj je bio da uspostavimo jednake uvjete za život u svim dijelovima općine. Lice grada Cazina počelo se značajno mijenjati i danas on već ima vizure urbane i uređene sredine, na što se dalje nastavljaju novi projekti uređenja šireg gradskog područja“, kaže Nermin Ogršević, načelnik općine.

Privreda cvjeta

Cazinsko preduzeće UNA-PROMET d.o.o. osnovano je 1990. godine i bavi se prometom građevinskih i drugih materijala, kao i maloprodajom, veleprodajom i tranzitom te uslužnom djelatnošću u izradi pločastog namještaja. Firma zapošljava četrdeset radnika, a prema riječima osnivača i suvlasnika Refika Bašagića, uvjeti za razvoj malog i srednjeg biznisa u Cazinu su se posljednjih godina itekako promijenili.

„U posljednjih par godina bitno su se promijenili uslovi poslovanja, života i rada u općini Cazin. Rješavanjem krupnih infrastrukturnih problema svim privrednim subjektima bitno je olakšan rad i efikasnost poslovanja. Zahvaljujući dobroj informiranosti i uključenosti u davanju sugestija, mišljenja i prijedloga omogućeno nam je da damo svoj doprinos u rješavanju pojedinih problema“, kaže Bašagić.

Huska Beganović je Cazinjanin koji već dugi niz godina živi i radi na relaciji Italija - Cazin. Tokom 2008. godine osnovao je građevinsko preduzeće Imobiliare Beganović, koje je u međuvremenu investiralo na području općine Cazin kroz pet kapitalnih projekata, od kojih su neki okončani, a realizacija nekih je u toku.

„Poslovnim partnerima iz Italije s ponosom predstavljam moju općinu, koja se izdvaja itekako od ustaljene slike o BiH. U općini Cazin su vrata potencijalnim investitorima i svim zainteresiranim za razvoj privrede zaista uvijek otvorena i prisutna je odlična saradnja“, ističe Beganović.

Sami sebi pomogli

Nermin Keranović, diplomirani pravnik, Cazinjanin je s trenutnom adresom u Sarajevu. Za Cazin kaže da je to sredina u kojoj, svaki put kada navrati, uoči konkretne promjene i iskorake, što ga stalno vuče da se vrati, a one koji prvi put dođu u tu općinu pozitivno iznenadi.

„To je zajednica koja je napravila odvažan iskorak, svjesna da se može osloniti samo na sebe i, korak po korak, stalno napredovati“, kaže Keranović.

Hasib Hadžić je svršeni kairskog Al-Azhara i zastupnik firme UNITIC sa sjedištem u Sarajevu. Svoj uspjeh uglavnom vezuje za rodni grad i podršku ljudi koji ga vode.

„Dok sam studirao u Kairu, bivao sam iznenađen pričama svojih kolega iz BiH koji su žalili na svoje općine i nedostatak mladih ljudi prilikom kreiranja politike razvoja, što nije bio slučaj sa mojim Cazinom. Ne mogu biti ponosniji kada neke od gostiju iz drugih zemalja dovedem u Cazin, a oni me, ulazeći u grad, upitaju da li smo mi još u Bosni“, pojasnio je Hadžić.

Računaju na mlade

Za Ajlu Topić, studenticu Građevinskog fakulteta u Sarajevu i članicu bh. šahovske reprezentacije, te višestruku državnu i evropsku prvakinja u šahu, Cazin predstavlja pozitivan primjer kako male sredine mogu postati velike, urbane i privredno se razvijati.

„Cazin, za razliku od Sarajeva, grada u kojem studiram, i mnogih evropskih gradova kroz koje sam prošla, osim ljepotom i čistoćom, može da se pohvali i infrastrukturom. Iako je Cazin novo ruho dobio za vrijeme mog srednjoškolskog obrazovanja, svakim dolaskom za praznike i na odmore Cazin je svjetliji i ljepši. Ponosna sam što je Cazin postao poznat po svojoj ljepoti i željno očekujem donošenje odluke o proglašenju Cazina gradom.“

Emina Nazić, studentica Pravnog fakulteta u Bihaću, kaže kako, uprkos činjenici da sve veći broj mladih odlazi iz Bosne i Hercegovine, pa tako i iz Cazina, ona želi ostati i doprinjeti razvoju svoga grada.

„Želim pridonijeti razvoju Cazina jer smatram da je ovdje vidljivo da se lokalna zajednica i načelnik maksimalno trude stvoriti uvjete za ostanak mladih. Imamo zbilja lijep grad u kojem vlada pozitivna atmosfera i ponosna sam na Cazin. Mislim da možemo biti primjer brojnim drugim zajednicama“, kaže Nazić.

Izvor: Al Jazeera

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmamed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Cazin



U KLJUČU POČINJE IZGRADNJA BAZENA SA TEMATSKIM PROSTOROM

Investitori iz Švicarske, Ključani Jasmin Ljutić i Emsud Ljutić, odlučili su da na području njihovog rodnog grada izgrade turistički kompleks s bazenom otvorenog tipa odnosno s restoranom i tematskim prostorom "City Beach".

Ovaj kompleks će biti smješten u Rudenicama uz sami magistralni put M5, s jedne strane, te rijeke Sane s druge strane. Podršku ovom projektu je svesrdno dao općinski načelnik Nedžad Zukanović, koji je napomenuo da je o ovom projektu s investitorima razgovarano već duže vrijeme, te da mu je posebno drago što su investitori pripremili i u općinu dostavili idejno rješenje projekta, nakon čega su izdati svi neophodni dokumenti za gradnju od strane općine Ključ.

Investitori su naveli da im je posebno drago kako svom rodnom kraju mogu ponuditi jedan lijep i reprezentativan turistički objekt koji će Ključ krasiti pored svih prirodnih i kulturno-historijskih ljepota koje Ključ posjeduje. Idejno rješenje je urađeno od strane studija za arhitekturu "Bojan Šipkarhitekta" - Bojan Šipka, d.i.a.



Grb Općine Ključ

NA BULEVARU BRANILACA DOBRINJE POSTAVLJENA KLUPA MAESTRA ESADA ARNAUTALIĆA



U novogradskom naselju Dobrinja, na Trgu branilaca Dobrinje, su 17. septembra/ rujna načelnik Općine Novi Grad Sarajevo Semir Efendić i publicista i novinar Vehid Gunić, svečano otkrili klupu, posvećenu maestru Esadu Arnautaliću, vrsnom muzičaru, kompozitoru i dirigentu, osnivaču Indeksa, najpopularnije sarajevske i jedne od najpopularnijih jugoslovenskih pop-rok grupa. Ovim činom Općina Novi Grad na jedan simboličan način želi iskazati poštovanje prema čovjeku koji je svojim društvenim djelovanjem dao pečat jednoj fazi kulturnog života u BiH i zahvaliti mu

na njegovom radu i svemu što je učinio za kulturu i život svoje zemlje. Sa Esadom Arnautalićem započela je faza pop i rok muzike. To je čovjek koji je utemeljio festivale „Vaš šlager sezone“, „Mali šlager“, „Prvi aplauz“, „Dječiji šlager“, koji je autor europskog evergrina „Kud plovi ovaj brod“ koji se 1970. godine pjevao na Opatijskom festivalu. Eso Arnautalić je dirigovao na tri takmičenja za pjesmu Evrovizije. On je okupio muzičare kakve BiH nikada više neće okupiti na jednom projektu koji se zove „Muzika raspoloženja“.


Ovom prilikom načelnik Efendić je kazao da je ideja za postavljanjem klupe posvećene Esadu Arnautaliću, došla od Esinih prijatelja. „Povezana je sa šetnicom na Bulevaru branilaca Dobrinje koju smo nedavno izgradili, a koja daje mogućnost da se na ovoj, ali i na drugim klupama na neki način simbolički zahvalimo zaslužnim ljudima za ono što su oni uradili“, istakao je načelnik Efendić. Dodao je da je ovo jedan gest, da se jednog čovjeka, takve veličine kao što je Arnautalić prisjetimo i da mu na taj način odamo priznanje.

„Ja sam Sarajlija koji je doživio Olimpijadu, a malo je ljudi na svijetu koji dožive Olimpijadu. Doživio sam je ovdje na Dobrinji, gdje sam proveo većinu svoga života, i ne bi je mijenjao za centar grada“, kazao je maestro Arnautalić.

Ovom prilikom načelnik Efendić poklonio je Esadu Arnautaliću umjetničku sliku, istaknute slikarke Alise Teletović.



Grb Općine Novi Grad Sarajevo

ZAKLJUČCI SA KONFERENCIJE PREDSEDAVAJUĆIH I SEKRETARA OPĆINSKIH/
GRADSKIH VIJEĆA

Associations of Municipalities and Cities Support
Podrška savezima općina i gradova
Подршка савезима општина и градова

Savez općina i gradova Federacije BiH, uz podršku Misije OSCE-a u BiH, organizirao je 29. juna/lipnja 2016. godine u Sarajevu u Parlamentarnoj skupštini Bosne i Hercegovine Konferenciju predsjedavajućih i sekretara općinskih/gradskih vijeća u Federaciji BiH. Konferencija je imala za cilj unaprijediti saradnju Saveza s općinskim i gradskim vijećima, kao i osnaživanje međuopćinske i međuinstitucionalne suradnje, predstaviti važnost etičkih principa to-

kom predizborne kampanje i kontinuiteta u radu općinskih i gradskih vijeća, te aktivnosti Saveza u smislu unapređenja i formalizacije suradnje između Saveza, Parlamenta FBiH i Vlade FBiH. Razmatrati i neke od dobrih praksi u radu općinskih/gradskih vijeća u smislu promovisanja etičkih standarda u predizbornoj kampanji i uspostave mehanizma za obezbjeđenje kontinuiteta u radu vijeća.

Panel diskusija: Etički principi tokom predizborne kampanje

Moderator: Azreta Grebović, član AMCS radne grupe;
Vlado Rogić, Centralna izborna komisija BiH
Zlatiborka Popov Momčilović, profesorica na Fakultetu političkih nauka u Istočnom Sarajevu
Igor Gavrić, predsjedavajući Općinskog vijeća Novo Sarajevo
Branimir Radović, sekretar Skupštine opštine Foča

U okviru ovog panela donešeni su zaključci:

- Savez općina i gradova Federacije BiH će pokrenuti inicijativu za izmjenu i dopunu Izbornog zakona BiH do kraja godine, kojom bi bio propisan jedinstveni etički kodeks na nivou države za izborne procese na svim nivoima vlasti i da se ovim odredbama propišu rigorozne sankcije za njegovo kršenje.
- Sugeriše se lokalnim zajednicama da putem općinskih izbornih komisija i etičkih komisija ostvare saradnju sa akademskom zajednicom i nevladinim sektorom, kako bi zajednički promovisali etičko ponašanje u predizbornoj kampanji.
- Preporučuje se etičkim komisijama da u kontinuitetu promovišu etičke kodekse ponašanja kao i da iniciraju potpisivanje sporazuma sa političkim subjektima o poštivanju etičkih principa i standarda u izornoj kampanji.

Panel diskusija: Kontinuitet u radu općinskog/ gradskog vijeća

Moderator: Mediha Nuhbegović, član AMCS radne grupe;
Zlata Ibrahimpašić, sekretar Gradskog vijeća Grada Bihaća;
Davorin Semenik, sekretar Komisija za ostvarivanje ravnopravnosti spolova;
Muhamed Mujakić, direktor Pravnog instituta u Bosni i Hercegovini;
Nebojša Nikolić, predsjedavajući Gradskog vijeća Grada Zenice;
Edin Demirović, Stručna služba Saveza općina i gradova Federacije BiH.

U okviru ovog panela donešeni su zaključci:

- Savez općina i gradova Federacije BiH treba dostaviti svim jedinicama lokalne samouprave dobru praksu „model primopredaje“ iz Grada Bihaća.
- Savez općina i gradova Federacije BiH će pokrenuti inicijativu do kraja godine za dopunom inicijative za izmjenu Zakona o principima lokalne samouprave, koji bi sadržavao posebno poglavlje „Primopredaja dužnosti nakon isteka mandata“.
- Ciljem ostvarivanja kontinuiteta u radu općinskih/ gradskih vijeća potrebno je pokrenuti inicijativa da sekretari općinskih/gradskih vijeća u predstojećim izmjenama zakona iz oblasti državne službe, zadrže status državnih službenika.

**KORISNI LINKOVI ZA
PREDPRISTUPNE FONDove EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Organization for Security and
Co-operation in Europe



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA ODRŽAVANJA DANA OPĆINA I GRADOVA ZA MJESEC OKTOBAR/ LISTOPAD

01. oktobar/listopad - Dan Općine Gornji Vakuf – Uskoplje. Ovaj datum se od 2008. godine obilježava kao Dan Općine jer je na taj dan 2001. godine održana prva sjednica Prijelaznog općinskog vijeća novouspostavljene Općine Gornji Vakuf – Uskoplje.

02. oktobar/listopad - Dan Grada Tuzle. Taj dan se tradicionalno obilježava kao sjećanje kada je Tuzla postala najveći oslobođeni grad u porobljenoj Evropi 1943. godine

04. oktobar/listopad - Dan Općine Čapljina i ujedno Dan Sv.Franje – zaštitnika župe Čapljina.

10. oktobar/listopad - Dan Općine Sanski Most. Navedenog datuma 1995. godine oslobođeno je područje općine Sanski Most.

14. oktobar/listopad - Dan Općine Žepče. Prvi pisani trag o ovome gradu datira na ovaj dan iz 1458. godine kada je «na Žepču» kralj bosanski Stjepan Tomaš, sa sinom knezom Stjepanom, dao povelju logotetu Stjepanu Ratkoviću.

22. oktobar/listopad - Dan Općine Gradačac. Tog dana u odbrani Gradačca 1992. godine zaustavljen je «Oklopni voz» na prilazu gradu.

23. oktobar/listopad - Dan Općine Orašje. Tog dana 1992. godine oslobođeno je selo Vidovice u oraškoj općini.

